

龍起家世荷

國恩淪肌浹髓卽捐頂糜踵

曷能報稱于萬一所媿

躬逢

明備而資質魯鈍行習不

精求所謂調劑補救者
實不啻去而河漢惟幸

承

列憲拂拭歷試河員屢被
獎薦遂移今職是其成

在參插版築之間

而責效尤在民人社稷

之重緬庭訓而稟師承

惴惴於拜

命之後者靡有逸志蓋廉處

百粵之鄙倚山瀕海接
烟瘴而控安南延袤千
有餘里戶口其盈寧歟
賦役其均平歟產殖繁
而關梁鍵歟且也醇龐

樸茂之風何以使之常
敦古處聲明文物之盛
何以使之歷久彌彰祀
事永無廢墜學宮不虞
茂草非皆守土者之責

歟求其因時制宜協人

情而合土俗非徵諸旣

往不可迺繙閱郡志徧

簡邑乘率多殘闕且自

遭兵燹犁庭掃穴以來

歷今數十年曾未一爲
增損倘終於承訛襲舛
必致文獻無稽是又守
土者所滋懼也然則修
輯誌書以成一郡之信

史以昭一代之文明亦
廉頑立懦者之所有事
乎特慮不慎諸始難以
圖終不求其實難以垂
遠惟慎惟公斯爲合則

于是酌叅臆說布商同
事諸賢咸報曰可各徵
其屬之明經博士蒐集
成書彙致于余余喜其
志之合也遂忘其固陋

公餘之暇不憚焚膏繼
晷刪繁補佚釐爲十四
卷分爲十二集錯綜銓
次而付之剞劂與州邑
之誌不必盡同而要無